

憨山大師夢遊全集卷第四十七

敦七

侍者福善日錄 門人通炯編輯

夢遊詩集自序

集稱夢遊何取哉曰三界夢宅浮生如夢逆順苦樂榮枯得失乃夢中事時其言也乃紀夢中遊歷之境而詩又境之親切者總之皆夢語也或曰佛戒綺語若文言已甚況詩又綺語之尤者且詩本乎情禪乃出情之法也若然者豈不墮於情想耶予曰不然佛說生死涅槃猶如昨夢故佛祖亦夢中人一大藏經千七百則無非寐語何獨於是僧之爲詩者始於晉之支遠至唐則有釋子三十餘人我明國初有楚石見心季潭一初諸大老後則無聞焉嘉隆之際予爲童子時知有錢塘王芝一人而詩無傳江南則予與雪浪創起

雪浪刻意酷嗜遍歷三吳諸名家切磋討論無停晷故聲動一時予以耽枯禪蚤謝筆硯一鉢雲遊及守寂空山盡唾舊習胸中不留一字自五臺之東海二十年中時或習氣猛發而稿亦隨棄年五十矣偶因弘法罹難詔下獄濱九死既而蒙恩放嶺海予以是爲夢墮險道也故其說始存因見古詩之佳者多出於征戍羈旅以其情真而境實也且僧之從戎者古今不多見在唐末則谷泉而宋則大慧覺範三人在明則唯予一人而已谷泉卒於軍中所傳者唯臨終一偈曰今朝六月六谷泉受罪足不是上天堂便是入地獄言訖而化大慧徙梅陽則發於禪語有宗門武庫覺範貶珠厓則有楞嚴頂論其詩集載亦不多顧予道愧先德所遭遇之而時且久所

遇亦非昔比也丙申春二月初至戌所鬻餼
三年白骨蔽野予即如坐屍陀林中懼其死
而無聞也遂成楞伽筆記執戟大將軍轅門
居壘壁間思效大慧冠巾說法構丈室於窮
廬時與諸來弟子作夢幻佛事乃以金鼓爲

鼓

一

鐘磬以旗幟爲幡幢以刀斗爲鉢盂以長戈
爲錫杖以三軍爲法侶以行伍爲清規以納
喊爲潮音以參謁爲禮誦以諸魔爲眷屬居
然一大道場也故其所說若法語偈讚多出
世法而詩則專爲隨俗說也雖未陞法堂踞
華終不免爲夢中說夢也天啟元年歲在辛

酉春王正月上元日匡山逸叟憨山老人釋
德清書於枯木菴中

征途述懷十章章四句

矯矯冥鴻載飛且鳴哀哀求侶悲此遠征

一

火雲若流白日如矢遐征不歸誰其念只

二

濯泉洗耳采薇充饑我豈無心彼何人斯
紫芝英英白石爍爍邈矣懷人夜以達旦

三

四

誰云滴水可以穿石孰云忘憂我心如織

日亦可冷風亦可繫憂從中來不知所自

五

六

亭亭長松猿鶴依只悠悠白雲我心逝矣七

載饑載渴易食易飲嗟彼醉夫難以獨醒八

有酒有旨實爲友朋惟玄惟漠尊罍久空九

嗟彼行人往來相顧扣其所以莫知其故十

感時詩十五章章四句

有序

頃聞四方連年水旱加以蝗災民生惶惶

朝不待夕有司請告皇慈愍之內外公府

齊發金穀出賑百僚仰德各捐俸一年以

助昔所未有感之以詩

上天好生胡爲其愆斯民求安曷爲不然一

滔滔洪水禹則治之淫雨橫流孰能禦之二

甘露瀼瀼時雨如漿片雲不興我民惶惶三

兩澤愆期民之瘁矣矧此旱魃爲祟甚矣四

蝗飛蔽天胡爲而然唼膏食脂使民明睞五

民之所親食逾父母易子而食斯言良苦六

維皇之天斯民是愛斯民之命皇天是賴七

皇仁浩浩施金與穀誰能嘆水使天雨粟八

以敬其天雨暘時若以哀其民所施逾博九

報功之資上天所司匪曰同胞孰能畀之十

邈矣上古嘉禾自生袁哉末運播植不登十一

蠢蠢之生予實同之皇皇上天予共戴之十二

安得地肥不勞民力安在軒皇任其食息十三

康衢之民無時不有陶唐之化孰云匪久十四

時之往矣不可輓也民生苦矣不可緩也十五

咏懷

園中作

大塊總微塵滄溟一滴水茫茫宇宙間代謝

無停止達人縱大觀上下千萬紀歷覽在目

前賢愚可屈指美惡不足稱是非安可擬仲

尼重知命老聃貴忘已惟我大雄尊超然出

生死世界等浮沤身心類塵滓幻化紙如斯

榮辱何憂喜顛倒任空華吾視此而已

廬陵淨土菴受王性海諸居士齋因懷

汪使君

廬陵一粒米價重過須彌須彌尚可碎此粒

無壞時化爲香積飯轉作淨土資拈來信口

食一飽忘百饑如食金剛屑終竟透出皮此

土多蓮華衆妙香芬披一人坐一華左右相
追隨光明映日月彈指超僧祇華中少一人

悠悠勞我思

廬陵喜再逢王塘南翁

有引

余二十五歲曾遊青原晤翁時年五十今
復晤之又過半矣宛然在昔以翁精心白
業色若嬰兒感故念今喜而賦贈

人生一百歲四分二十五初逢半之半再會
十之五君已過三分宛然似初觀面如嬰兒

色骨似金剛股心想入蓮華音聲出天鼓端
坐七寶臺經行衆香樹不離五蘊身便是清
淨土打破頻伽瓶即見華中主與君雖別離
恰是相逢處

六詠詩

心

金翅鳥命終骨肉盡消散唯有心不化圓明
光燦爛龍王取爲珠照破諸黑暗轉輪得如意
能救一切難如何在人中日用而不見

無常

法性本無常亦不墮諸數譬彼空中雲當體
即常住聖凡皆過客去來無二路是生不是
生非新亦非故智眼明見人此外何所慕

苦

夢入大火聚怕怖多惶惶正當苦惱時滴水

便清涼水盡火復然念慕何慨慷及至醒眼
觀向者誰悲傷

空

須彌橫太虛大地浮香海六塵蔽性天四大
遍法界劫火洞然時此箇壞不壞何必待燒
盡然後無障礙

無我

一水作衆味酸鹹苦辣具以本淡然故而能
成衆事若實不隨者安肯隨他去唯有不隨
者誰能識此趣

生死

生死不流轉流轉非生死若實不流轉生死
無窮已諦觀流轉性流轉當下止不見流轉

心是真出生死

苦熱行

藝

人世苦炎熱余心何清涼直以無可觸故能
安如常譬若火浣布得之愈增光視彼區區
者錯然誰敢當

月夜過三峽

扁舟載明月隨流競奔頽帆影似轉變月光
無去來心境本寂滅死生安在哉所寓即常
樂此外俱塵埃

懷淨土詩四首

嗟哉堪忍土多慮而爲人憂來百念結綢繆
役其形衆苦集微軀臭腐搏青蠅憤憤不自

知營營竟朝昏明潔日以虧汨沒疲精神安
能滌情垢一旦返而真長揖大火宅從此謝
羣塵逍遙清淨土其樂方無垠

我聞至西極有國名極樂妙嚴飭宮殿寶網
珠絲絡天人普集會光明相映奪園林敷雜

華空中散天樂蓮開八德池香浮七寶閣微
風吹簷端雲間響金鐸衆鳥相和鳴法音恣
宣說凡情一經耳衆苦當下脫

極樂本非遙駕言十萬億但能一念淨觸目

現前是蓮華生欲泥清涼發焰熾瓦礫等瓊

瑤寶林出荆刺念結阻山河想銷破幽滯險

道登坦途情根證初地誰知微密中淨穢苦

樂具試觀空中華起滅了無際

苦因增愛生樂從清淨得譬如夢中人貴賤

匪外覓情想本無端苦樂非預設瞻彼晴空

雲候忽多變滅愚者執爲真逐境勞欣感達

人貴朗照了罔淨陳習一悟永不迷靈淵常

湛寂願乘白臺光端居極樂國

采珠行

灼灼明月珠產向深淵底從空撈撠之魚龍

盡驚起鮫人相抱泣涵淚忽成雨腥風撲遠

岸鯨波奔萬里密網垂天雲輕帆展鵬翼一
擘川后愁再擊海若徒盡剖蚌蛤腹不補蒼

赤體安得如意珠持歸報天子神光發中夜

龍顏大欣喜七寶隨所求四事盡豐美展轉

濟孤貧利樂無窮已用賞戰勝功傳爲灌頂

祉罷此批鱗役聊以釋附髀滄海不揚波溝

瀆清塵滓願祝吾皇壽量同東海水

咏龍

變化無端倪噓吸作雲雨膏澤潤蒼生滂沱

雷下土倏忽遍九垓頃刻被寰宇豈若沙中

蟲與物同臭腐

咏虎

長嘯發空山悲風振林木颯颯秋雨寒淒淒

夜鬼哭腥膻徒自矜皮毛甘可服何如偃鼠

安飲河期滿腹

贈曹溪行脚僧

有引

南韶觀察祝公下車之初痛念祖庭荒廢
極意整頓且自號爲曹溪行脚僧感而賦

贈

曹溪行脚來元自曹溪去久假而不歸忽憶

曹溪路即墮宰官身依然無所住任運大化
中権械安能羈猶記別時言菩提本無樹以
是不迷人觸目多感悟隨緣到故鄉萬山滿
烟霧未入曹溪門此心已如故況見昔時人

瓦礫盡生輝靈源永不涸誰知先後身主賓
自相顧願執漚和鞭長驅白牛步
酬董國博崇相遇訪曹溪

君向曹溪來直入曹溪路溪上忽逢君乍見
已如故一笑心眼開主賓忘禮數促膝坐更
深歷歷披情素高懷皎冰雪清言振金玉俯
視六合空長軀千里步歲暮事遠遊理冥無
去住把手送君行溪橋獨延佇

綠槐社諸子過訊予時掩關未面而去
示之以此

炎炎火宅中一片清涼地雖從長者施寶條
君王賜法侶喜相遇高懷發幽秘洞見未語
心直達無生意何必問毗耶此中真不二

董太史玄宰寫雪山圖贈予之雷陽賦
滅場往來憑杖屢穿破磽底雲踏乾草頭露

答

五臺三伏天江南臘月樹孤蹤空裏雲餘生
草頭露寒熱本無端南北任去住隨地足清
涼此中何所慕

癸卯初度自五羊之曹溪舟中作

今朝五十八明日五十九未來不可思過去

何所有世相空裏花毀譽鏡中醜不推羊鹿
車吾隨牛馬走自愧膝穿蘆却怪肘生柳髮
散少冠束面厚多塵垢戰退生死軍打碎無
明白使盡老婆心笑破虛空口兩岸既不容
中流非所守來往任風波去住絕偕耦天際

望長安寒空一回首回首問時人誰是儂家

友

遊方廣寺

朝披南嶽雲暮宿方廣寺岩堯一徑深千峰
鎖幽秘儼坐青蓮華頓入清涼地流泉和松

聲如對談不二但絕世間心莫問西來意安
能結枝棲以滿居山志休息芭蕉身涕唾空
華事從此謝塵氛永絕生人累

遊南嶽登祝融峰

我懷南嶽山夢想四十年天際七十峰居常

在目前自愧無羽翰況爲形縕牽須踐故人
約始得恣遊盤攝衣登祝融一望空楚天湘
流引疋練星斗如腰纏去天不盈尺恍惚隨
飛仙睥睨萬象小世界如彈丸身已入空虛
足底浮雲烟若御冷風去從此超塵寰回首
藝七

+

思古人三生竟何緣曹溪一滴水化爲霖雨
霑焦枯發靈芽法鼓醒暝顛如何獅子窟今
令狐兔潛梵宇空寥寥慧燈昏不然誰秉照
天燭一破長夜眠徘徊轉悽惻飲泣如流泉
安得巨神通彈指變大千頓成七寶土遍地

敷金蓮一覩空中雲普集諸聖賢

別南嶽山人廓慕一

我從曹溪來擬向山中老山靈不我欺滿目
雲霞好歷覽古道場金沙墮叢篠嬾殘煨芋
處幽蹤莫可考遙想磨磚師成佛苦不早獅

別衡山解嘲

子窟中王誰能犯牙爪法雨久不潤靈苗竟
枯槁嗟我來何遲臨風增懊惱幸遇凌霞人
相期出世表欲與坐深巖玄言窮要眇愛此
高尚心真能謝紛擾蓮華社未開又取東歸
道良以天屬情曰火榮懷抱今暫辭雲山此
心終未了我登上舟君隱山中豹因思李
鄴侯君閒恐不保但留窻前雲待我歸來掃
從南嶽東遊江上留別方覺之

與子江上逢擬結山中好相期臥白雲可共
終休老山靈不我留拽杖辭窈眇子亦倦遊

人志在烟霞表潛神衆妙門久欲辭紛擾衷
情繫所天未即恣懷抱今我駕慈航揚帆涉
浩渺與子雖別離因緣猶未了假我未窮年
重拈一莖草遲爾婚嫁畢歸來時尚早

空林臥不堅復理棗歸櫂縹緲辭雲山纏綿
縗懷抱衡嶽七十峰久欲恣幽討適來即便
去返遺山靈誚歸來既已遲言別亦何早我
本山中人丘壑宿已飽杖屢烟霞生坐臥麋
鹿遼眼耳不容塵心光離昏曉四大如空谷
六根絕紛擾到處即深山何必戀枯槁試問
山中人靜縛何時了打破琉璃瓶始識隨緣
好

武昌逢石浪岷嶽二禪人還蜀省親因

敦七

士

示

我本行腳僧忽逢行腳客借問行腳事相視無言說匡廬一片雲峨眉千尺雪箇是行腳心去來水中月因思母子情念念不相隔今歸承歡顏恰似未曾別奉旨不奉甘問冷不

問熱劈破娘生面乃見不生滅方是行腳人到家之時節

示聞子與病中

病從有我生我因煩惱集煩惱癡愛滋生死輪不息情根如機梭妄想相交織織成幻妄身衆苦皆叢積求出苦方便慧劍急揮斥斬斷妄想絲根境當下寂一念了無生四大各歸一求我不可得病從何處覓

歸匡山

余少志遠遊三十住山倏二十年忽被業風吹入幻海二十餘年而此一念未離寒

藝

十一

巖冰雪中也頃幸晚歸匡山以遂投老蓋年七十有二矣嗟嗟浮世人生幾何視此餘生如西山落日浮光瞬息乃爲詩以紀之

浮世無百年夢遊七十餘幻海渺洪波彼岸

無方隅一葦隨天風飄飄任所如歷覽周八荒險阻非一途神疲力已倦削跡爲遠圖烟霞結夢想巖穴心久棄垂老方遂志拂袖歸匡廬一起濁世緣衆念悉已枯千峰抱幽壑邈與人世殊七賢列雲中五老頻招呼眉目

時相對嘯傲多歡娛明月有時來一鏡懸空虛清光入蓬華照我顏色舒白髮對青山形影如冰壺頽然踞石牀日夜雙跏趺返觀未生前本來一物無了知幻化緣胡爲有生拘從此脫紛糾高登常樂都

寄錢太史受之

匡廬列雲霄江湖邈天際地湧青蓮華枝葉
相鮮麗瞻彼華中人超然隔塵世夢想五十
年良緣圖未遂偶乘空中雲隨風至吳會東
南美山水醞藉多佳士一見素心人精神恍

款七

如醉未語肝膽傾清言入微細相對形骸忘

了然脫拘忌精白出世心太虛信可誓苦海
方洪波願言駕津濟把別向河梁遂我歸山
志長揖返匡廬藏蹤杳深邃五老與十賢曰
夜常瞻對誅茅臥空山烟霞爲衣被視此芭

蕉身一擲如棄涕緬想未歸人馳情勞夢寐
安得駕長虹凌風倏然至暫謝塵世緣入我

真三昧

歸宗登金輪峰禮舍利塔

我登金輪峰一覽乾坤窄衆山如蟻奔彭湖

小如標萬壑吼長風吹落天邊月夜靜俯下

方燈火自明滅身一入空虛諸想頓消歇遙
念救世尊法身遍一切舍利自西來至人布
三業峰頭立浮屠莊嚴以金鐵爰感大丈夫
建刹捨居宅遂爲光明幢法緣從此結上下

千餘年清涼解炎熱嗟彼衆生界四相轉成
劫禪宮委荆榛金碧成瓦礫叢林遭斧斤孤
松獨挺特根株半剝斷枝柯將夭折何期至
人來呪願施膏澤以此卜重興法雷震前哲
皮骨日夜長密茂返生色累滿金剛心荒蕪

從此闢法藏自天來龍光照巖穴梵宇如雲
興四衆增歡悅始知淨穢土轉變隨心別

東林懷古

少耽遠遊志夙慕東林師青山開白社高賢
畢在斯惜晷刻蓮漏清修禮六時淨念絕塵

想極樂爲歸期高風振千載翹首結遐思光
容如在眼夢寐相追隨垂老始攀陟撫景增
餘悲荒林翳頽垣草莽重紛披徘徊三笑處
萎苦露華滋影堂列羣彥彷彿見芳規古砌
鎖寒烟白蓮開汚池香谷發清響地籟天風

藝七

十四

吹丘陵有遷變至道無改移師有未了願重
來亦何遲開林黨如初高蹤尚可追山靈久
呵護神運常在茲我已畢命待濁世從此辭
感遇詩奉酬南康袁使君

有引

九深袁使君治郡南康匡南湖山盡歸化

藝七

十五

直指西來意誰知千載下造化潛更替寶塔
墮荒榛諸天委荆刺長者一莖草雖拈未見
諦況復野干鳴難同獅子戲鐘磬寂無聲山
空神鬼泣天假至人來靈山親授記示現宰
官身隨緣作佛事法雨潤焦枯甘霖澤羣卉

育不唯斯民戴德即巖穴之士儼若端居
自毫相中也棲賢古刹久墮荒榛一旦舉
而新之又架篳雲橋以濟險道此名山不
朽勝事法雲開創實感護法精心承惠寺
記一言足垂千載勒石告成俚言致謝

一片金剛心廣布如大地斯民若嬰兒慈母
相盼睇吐哺不啜甘調剝剔所忌凡在指顧
間鮮不爲生計千里坐春風荒村無犬吠頓
置含齒眠儼在葛天氏政暇多幽況尋山探
靈異觀此祇陀林慨發重興志一舉運斤手

丹棖若雲翼不日梵宮成恍忽如天至神力

尚有餘莊嚴若未備絕壑架飛梁長虹帶蒼

翠玉淵臥虬龍形影如顧視五老與七賢鬢

眉雲中墜慈航設險道往來無困蹟緬懷利濟恩豈特居方內每接欵唾餘玉屑灑肝肺

琬琰勒佳章片石鐘鼎寄功德載名山匡君

應列祀樵歌接梵音誦祝千萬禩空谷積雲霞盡爲供奉器感此希世緣短吟寫胸臆願

言保遐齡永錫天人類

有所思

與君一別數千里思君不斷如流水水流東馳去不還我心如環之無端舉首望長空長空杳無涯揮手邀明月明月有來時光影縱相顧可望不可攀安得君容如滿月使我一見開心顏

觀侯生画山水詞

侯生貧壓夷門客執轡何人過其宅獨有丹

青思入神風流足可稱凝絕一室懸磬冰雪

清烟雲時向毛孔生空中麋鹿時時走暗巖山靈夜夜驚晝長閉戶門卻掃梁肉不足烟

霞飽含濡墨汁當醍醐時人却怪形容好頻

年甲子六六支居間一半常苦饑尺布斗粟博美酒清泉白石令人嗤有時獨向街頭立見人未語先羞澀都言窮骨軟如泥誰信剛腸勁似鐵三江五湖波浩蕩千巖萬壑爭奇

藝七

十六

狀閒披綯素淡揮毫一齊撮在眉尖上入山尋討樞木株松下一見歡相呼喫茶只恨千鍾少問法從來半字無老夫肚大舌頭長吞吐萬里明月光星辰散落無收拾君堪與我爲奚囊留君且向山中臥白雲片片青天幕

渴飲清流嚼紫芝海枯石爛從他那

曇花精舍歌贈祇園逸史杜將軍韜英

我昔遨遊妙嚴國眼見曇花白似雪花下林
林大士身容儀光照黃金色此花不是等閒
開千年一度方苞胎至人將現花先發獨爲

因緣大事來大事因緣非一類千百億身皆

度世三乘八部應念周十方法界隨心至或
現天大將軍身威風八面如天神萬里橫行
畧無敵擾捨盡掃清烟塵變化無端甚希有

亦似曇花開笑口月下吹笙鳳鳥來馬上揮

木菴歌

見真我亦祇園花下史時時灌溉禪那水五
蘊蔓草火芟除四大幻身沒依止拋向炎荒
如露布鑊湯爐炭無回互忽見花間舊主人
寄聲莫忘來時路

淨泰禪人更字木菴南臯居士有贈因戲
書之

枯木菴枯木菴象嶺巖前獅子龕拳枝奇曲
無可攀霜葉雲披何藍縗望之若杌不足取
就之枯槁如真參雪老堂中如着此文殊前

用武不離禪精舍小築祇園邊對花心入無
生國閉戶身居極樂天殺機盡是降魔智色
香妙露西來意見色聞香法界空當場戰入

後何三三我已老朽識海乾與爾同坐枯木
菴

鳥夜啼

寒林積雪白日西慈烏啞啞枝上啼鴟梟在
巢未敢棲饑不得食情慘懷虞人網羅亦何
密飢鳥之肉不足食何事綱繆日夜求返哺
不遂情何極母子分飛兩不全況復母死歸
黃泉啼聲不絕如杜鵑令子抱恨遺終天啼
鳥啼鳥真可憐虞人忽死鴟梟纏明明天道
何昭然

遊浮山歌

空中一島攢青霞宛如香海浮蓮花巖龕石
寶簇花蕊又如帝網珠交加我來遙登華藏
界一開雙眼無遮礙周圍行樹影重重分明
炳若瓶中芥橫空殿閣雲中影法身不動青

莫七

六

山穩飛來花氣暗香浮習習侵人重衲冷拽
杖撥開巖中霧怪石崢嶸若棋布指點還如
數列星一噴青天洒飛唾石門磴道一線通
側身半壁足不容猿行鳥度亦不易如何使
我筋力窮攀蘿直上妙高頂眼底湖光霞布
錦足未離地身舍空回看一似冰壺影小轉
還過會聖巖巖廊石室何奇哉遠祖因棋善
說法黑白未兆令人猜度溪西上蓮華石朵
朵金蓮從地出徘徊不見華中人但聽松風
廣長舌回禮金谷丈六身虛明無地容纖塵
劫火洞然此不壞始信蒼巖是本真我欲誅
茅依石室餘生借此藏蹤跡儻得安眠白日
高身心世界都拋擲如何捨此從他去一葉
浮空都是寄不若快便早歸來休教猿鶴常
相憶華藏從來是故宅行盡十方出不得潛

身頓入一微塵何人於此知消息

擔板漢歌

育引

板漢歌以示之歌曰

徑山法窟白大慧中興臨濟之道相續慧
命代不乏人近來禪門寥落絕響久矣頃
一時參究之士坐滿山中至有一念瞥地

整

十九

當體現前得大自在者惜乎坐在潔白地
上不肯放捨以爲奇特不知返成法礙也
教中名爲所知障所以古云直饒做到如
寒潭皎月靜夜鐘聲隨叩擊以無虧觸波
瀾而不散猶是生死岸頭事所謂荆棘林

中下腳易夜明簾外轉身難名抱守竿頭
靜沉死水尚不許坐住況有未到督地偶
得電光三昧便以爲得真識神影子者乎
此參禪得少爲足古今之通病也恐落世
諦流布疑誤多人因有請益者乃笑爲擔

也累明明障礙何不會只爲當初錯認真清
門淨戶生妖魅開眼見閉眼見白日太虛生
閃電乾闥婆城影現空癡兒認作天宮殿要
得輕須放下臭死蝦蟆爭甚價烏豆將來換
眼精魚目應須辨真假有條路最好行坦坦
蕩蕩如天平但不留連傍花柳管取他年入
帝京捨身命如大地牛馬駝驢不須避果能
一擲過須彌劍樹刀山如兒戲若愛他被他
害累贅多因費管帶一朝打破琉璃瓶大地
山河都粉碎我勸君不要擔觸體有汁當下

乾分身散影百千億從今不入死生關

聞沈朗臘掩關姑蘇城中歌以寄之

火宅炎炎夢未醒塵中一片清涼境但見燎
空烈焰高道人一念如水井市聲喧聞奔萬
馬日夜不休何爲者耳根寂滅心不生看來
盡是空中假妻子對面如化人返觀亦似鏡
中身終朝相見不相識兩眼何處容纖塵有
時神遊華藏界揮毫一灑胸中塊朗善丹青水光
山色影重重交羅攝入無障礙有時坐入蓮
華土地平如掌金沙布八德池中菡萏開香
風一觸心開悟方丈一室無壁落量舍法界
同參廊十方海會入其中坐參更不勞行脚
匡廬萬丈懸太虛與君恰似同室居不出不
入不來往問君此際心何如

從軍詩

有引

致七

二十

舊說雷陽道今過電白西萬山嵐氣合一錫

余以弘法罹難蒙恩遣雷陽丙申春二月
入五年三月十日抵戍所時值其地饑且
癟已三歲矣經年不雨道殣相望兵戈滿
眼瘦氣橫發死傷蔽野悲慘之狀甚不可
言余經行途中觸目興懷偶成五言律詩

若干首久就枯寂不親筆硯其辭鄙俚殊
不成章而情境逼真諒非綺語聊紀一時
之事云

楚澤非炎徼行吟愧獨醒瘴烟千嶂黑宿草
四時青靄觸秋濤怒人斬厲鬼靈從來皆浪

致七
跡今日更漂萍

壬

火宅誰堪避清涼自可求天低偏近日樹老
不知秋海月心何寂空雲思欲浮却憐無住
客今復寄炎洲

瘴烟迷末路隨蓬累殘生信馬蹄那堪深樹
裏處處鷓鴣啼

遠道經行地孤雲獨可憑有家俱是客無累
即爲僧毒霧熏心醉炎風透骨蒸翻思舊遊
處儼若履層冰

月脚元吾事擔登固所能心懸萬里月肩荷
一枝簾乞食愁蠻語安禪喜俗僧降魔空說
劍今日始先登

出世還行役誰悲道路難長戈聊當錫短髮
不勝冠沆瀣餘三島炎蒸厲百蠻天南回首

處落日是長安

皇天無不覆豈獨外邇荒曲折吾生短驅馳
世路長但知心似雪忽覺鬢如霜隨地甚埋
骨君恩詎可忘

昔住清涼界今登熱惱天燠寒風氣別南北

地形偏萬里同明月千山隔暝烟塞鴻書縱
寄不過鴈峰前

髫年從白業垂老脫緇衣豈是君恩薄多應
世道違烟霞行李少冰雪眼中稀莫問前途
事家山到處歸

曉起占天候星河曙色分潮吞丹鳳日山吐
毒龍雲漂泊還鷗侶樓邊憶鹿群誰知逃世
客臨老學從軍

此日天涯道艱虞祗自憐海風腥釀雨山氣
毒含烟畏路從人後衝泥向馬前始知行役
苦多在戍兒邊

旅宿悲寒食兵戈老歲年身經九死後心是
未生前北伐思山甫南征憶馬淵梅花何處
笛聽徵不成眠

曳舟蛇棄杖林成久揮戈日未斜天南并塞
北是處有胡笳

一鉢從師旅孤征任轉蓬形骸乘野馬心事
托冥鴻雲出蒼梧白露蒸海日紅吾生已

數七
棄不待此時空

浮世甘爲客勞生恨此身舌存終是苦道在
二十一
豈稱貧渴鹿爭趣饑鳥習近人滄桑雖未

變何地不飛塵

一息餘生費千山去路長問途逢牧馬挾策
耦亡羊衷熱三秋日心寒六月霜所經如踏

鑊安敢任跋狂

幻跡元無住逢山即當歸因看前路窄轉見
此生微時抱桑間餓常懷漂母飢所欣無蹠
月不望寄寒衣

獨坐

數七

主

浮世吾身外勞生逆旅中誰能一隻眼豁盡
十方空碧海飛涼月青林散曉風胡牀箕踞
坐瀟洒意無窮

晚歸營門

混俗希忘象臨戎想牧羝前驅剝忍草左袒
拘伽黎落日江空醉歸雲樹色迷行藏同倦
鳥漸漸向人低

庚子歲即事四首

豺虎中原遍星輶日夜馳詔無哀痛字人有
向隅悲遠探驪龍窟深批弱木枝乾坤聊俯
仰愁絕一雙眉

清海初收捷珠匣始罷征劍門飛赤羽閻道
走羌兵帝聽懷柔遠王師耻戰爭蠻夷應繁
長不見請長纓

滿目黃塵暗披肩短髮垂江湖歸路杳鷗鷺

傍人疑康濟思今日安危望此時從來貂珥
重寧不愧恩私

生事人甘拙于戈鼎沸騰金珠放積累營草
畏追微國是誰堪定天心未可憑南薰何日
奏一爲洗炎蒸

過三峽

萬壑奔流下千山紫翠連帆飛三峽雨人八
九秋天客路浮雲外歸心落日前吾生猶未
已江漢是餘年

戎馬身經老風烟鬢已班骨疲仇鐵甲心冷
愛青山木札禪離味茶香事儘閒白雲欣共
住肯放出松閑

重修曹溪採木入山

一水縈紆入羣峰夾岸廻人疑秦代住僧似
竺乾來竹樹連雲長田疇逐地開誰知五嶺

曲亦自有天台

伐木

百尺由萌蘖孤根出草萊歷窮烟瘴苦聽盡
鶴聲哀用大應非折裁成豈是災紙憐今夜
者浮生夢未醒

酬朱叔祥惠班竹禪几

款七

月工自照莓苔

小金山坐月

藏海浮香刹華幢湧梵宮青螺呈寶髻滿月

現慈容世界平如掌江流淨似空應憐驅逐
者俱墮法身中

腰沽道中

禁

荒途無遠近曲折似兼程地逐河流轉人依

鳥道行雲間孤鷺沒木末片帆輕回首長安

路難聞塞鴈聲

太平驛

策馬望郵亭長途舊所經終朝嵐氣白十月

燒痕青面熟檳榔醉神昏海霧腥孤城笳鼓
動悲壯不堪聽

曉行

殘月掛城頭征笳慘客愁北風吹短鬢涼露

溼重裘野燒連營壘邊烽暗戍樓孤雲聊淡

泞瀟洒竟如浮

化州道中

尚巒盤廣漠曲折不知層夾路疑函谷居人
似武陵林深藏虎豹天遠擊鶴鷹何事風塵

道驅馳一老僧

化州

孤征過萬里道遠慨邇深山色蚺蛇氣人言
鳩舌音蘧廬今日事冰雪一生心縱有參天
木難同祇樹林

石城

行穿窮谷口樹杪見天涯野曠留殘照城荒
帶落霞飢驅忘力倦欲速較途賒薄暮投山
館安眠似到家

橫山堡

群山低赴塗一水倒迴村平野間炎徼邊陲

列戍屯民生空歲月時序失寒溫莫謂天涯
遠扶桑近日暉

至鉸宮

修途煩足力廣衍入平川地勢南溟盡珠光

北斗連遠山低並樹大海立齊天望若垂雲

翼帆開橈寶船

癸卯春日大廉即事

炎方風物異歲事總難期臘盡蟲無蟻春來

鳥不知草花開舊芙蓉葉落新枝因憶燕山

雪陽和似有私

春日偶成

瓊海積春陰炎蒸宿霧深賽蘭香作瘴勒竹

苦成林莫問勞生計單看近死心自嫌鬢鬢髮

累日日愛抽簪

放船

數七

秋水芙蓉滿扁舟一葉輕安流猶故宅漂泊
是歸程踈雨炎蒸退清風縠浪生往來隨所
適不信鷓鴣鳴

中流望飛來寺

兩岸山垂影千峰倒入空雲間飛驚嶺水底

現龍宮細落天花雨長鳴地籟風急流將繫
舫小可不相容

憨山大師夢遊全集卷第四十七

音釋

寢 𠙴制切 咨 音執 日 疊 音傳 切 喊 虎摩切
寐 寐言也 景也 疊 疊壁也 喊 虎摩切
牙 笮 姥 音母老 嚶 遜同切 魁 蒲撥切 脆 吉
喊 音母老 嚶 遜同切 魁 蒲撥切 脆 吉
切 直子謂 嚶 遜同切 魁 蒲撥切 脆 吉
崩 音薩 娓 韋音曉引 脣 老子名骨皮骨也
囉 喃也 媵 胡郭切 媽 漱器也 魁 老子名骨皮骨也
音 於問切 脣 音縮反 媽 音尋與 樂 音葉
禪 禪也 脣 順也 蔡 蔡音僅也
禪 禪也 脣 順也 蔡 蔡音僅也

小
姚
音
車
招